



Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

Septima Conclusio. Alchimiæ opera est inutilis & perniciosa reipublicæ, si ordinetur ad faciendum verum aurum & argentum, aut gemmas pretiosas.

urn:nbn:de:hbz:466:1-41113

batum extitit in tertia Conclusione. Secunda. Imprudens & stolida opera meritò iudicantur eius negotiatoris, qui vacaret negotiatio- ni, in cuius exercitio ex mille vix unus aut alter esset, qui non maximam suarum fortunarum iacturam facerent, & nullum lucrum acquirerent. Tertia. Non est viri prudentis laborem & industriam impendere, ut Sisyphi faxum voluat, aut montes transferat: Cùm id impossibile omnes sapientes existimant, & meritò iudicent id non esse opus humanarum virium. At etiam moraliter impossibile est, verum aurum, aut argentum ex inferiori me- tallo efficere, ut supra ostensum est. Ergo stulta est, velle arte Chimiæ aurum producere. Quare verè de Chemicis dici potest illud Psal. 4. Filij hominum, ut quid diligitis va- nitatem, & queritis mendacium? Querunt enim Alchimistæ aurum quod nunquam in terum natura fuit, nec eorum opera fieri po- test, promittunt quod reddere nequeunt, & conuenientissimè huic hominum generi ac- commodatur illa D. Pauli 2. ad Timoth. 3. in- ferta 26. q. 5. cap. Nec mirum. §. Aruspiciose semper addiscentes, nunquam ad veritatis ci- entiam peruenientes.

Septima Conclusio. *Alchimie o-
pera est inutilis & perniciosa reipublice, si
ordinetur ad faciendum verum aurum &
argen-*

argentum, aut gemmas pretiosas,

HANC docent Angel. & Sylvest. in verbo Alchimia. Pererius & Gregor. de Valentia loc. allegat. Franciscus Pegna in Commentar. super direct. Inquisitor. 3. par. comment. 26. colum. fin. Chassanæus in Catalogo gloriæ mundi, vndecima parte, 40. consideratione, & alij alibi. Ratio huius Conclusionis est. Quoniam ars Alchimiæ considerata in ordine ad effectus intentos in Conclusione, appetit & sternit viam multis deceptionibus, & fraudibus: vnde særissimè & frequentissimè imponitur non solùm simplicibus, sed etiam magnatibus, qui aureis splendidisque verbis, quibus montes aureos promittunt Alchimistæ, cùm nec ferreos præstare queant, deliniti, magnos inutileſque sumptus cum iactura propriarum fortunarum, & magno subditorum onere, impédunt. His accedit, quod et si hæc ars non possit facere verum argentum & aurum, aut pretiosas gemmas, tamen expoliendo, tingendo, varijsq; modis & colorib; utendo, potest inducere similitudinem veri argenti & auri, ita vt hominibus salsum pro vero Chemici vendant, aut cōmutent: hinc etiam nascitur euidentis & certa occasio adulteri mone tam, & expilandi rempubl. Vnde Albert. lib. 3. de mineralib. c. 9. aptè ad propositum loquitur in hæc verba: Qui per alba albificant, & per citrina citrinant, manente specie prioris metak-

metalli in materia, procul dubio deceptores sunt, & verū aurum atq; argētum non faciunt; & hoc modo ferè omnes vel in toto, vel in parte procedunt. Propter quod ego experiri feci aurum Alchimicum quod ad me delatum est, & postquam sex aut septem ignes sustinuit, tandem amplius ignitum consumitur & perditur, & quasi ad fecem reuertitur. Sic Albert. Hinc DD. testantur aurum arte Alchimiæ cōfectum, non diu durare, sed redire ad suam priorem materiam: Et dicit Michaël de Palatio loco cit. quod à magno & perito Alchimista intellexerit hoc aurum non durare ultra decem annos. Nec etiam, ut communiter DD. produnt, aurum alchimicum habet usum in medicina, nec confortat: Quæ omnia eius falsitatem arguunt: Quamuis sèpè cauti & fallaces Alchimistæ ita suas fraudes occultare didicerint, ut quasi omnes probationes illud delinitum aurum sustineat, quamuis cum tempore tandem fraus detegatur. Atq; ex hoc genere Alchimistarum fuit quidam Marcus Bragadinus, magnus habitus in hac arte, qui multos & magnos etiam decepit hoc exercitio, & tandem pro suis laboribus, cùm etiam Germanis simplicioribus suæ gentis hominibus impone re vellet, Anno 1591. capit is supplicium Monachij in Bauaria pertulit. Atque hic Marcus ante mortem scripto propria manu exarato, toti mundo testatus est vanitatem puluerum, quibus

quibus aurum fieri voluit, ut testis est Gregorius de Valentia loc. cit. qui scriptum vidit, atq; cum eodem Marco pro salute animæ egit. His omnibus fortissimum præbet argumentum Pontifex Ioannes XXII. in extrauag. incipienti: Spondent. quæ habetur inter extrauagantes communes, in tit. de criminis falsi: Vbi in sequentem modum decernitur.

Spondent quas non exhibent diuitias pauperes Alchimistæ, pariterq; qui se sapiëtes existimant, in foueam incident, quæ fecerunt. Nam haud dubiè huius artis Alchimiæ alterum se professores ludificant, cùm suæ ignorantiae conscijs, eos qui supra ipsos aliquid huiusmodi dixerint, admirantur: quibus cùm veritas quæsita non suppetat, diem cernunt, facultates exhauriunt, ijdem verbis dissimulant falsitatem: ut tandem quod non est in rerum natura, esse verum aurum vel argentum, sophistica transmutatione configant: eoq; interdum eorum temeritas damnata & damnanda progrereditur, ut fidis (seu fictis) metallis cudant publicæ monetæ characteres fidis oculis, & non alias alchimicum fornacis ignem vulgum ignoratæ eludant. Hanc autem perpetuis volentes exulare temporibus, hac editali constitutione sancimus, ut quicunq; huiusmodi aurum vel argentum fecerint, vel fieri secuto factio mandauerint, vel ad hoc scienter dum id fieret, facientibus ministrauerint,

aut

aut scienter vel auro, vel argento vsi fuerint,
vendendo vel dando in solutum: Verum tanti
ponderis aurum, vel argentum pœnæ nomine
inferre cogantur in publicum pauperibus ero-
gandum, quāti alchimicum existat, circa quod
eos aliquo prædictorum modorum legitimè
constiterit deliquisse: facientibus nihilominus
aurum vel argentum alchimicum, aut ipso, ut
præmittitur) scienter vtentibus, perpetuæ in-
famiae nota respersis.

Ex his infertur id quod DD. maiori con-
fensu tradunt non licere vendere regulariter
argentum & aurum alchimicum pro vero ar-
gento & auro, nec margaritas & gemmas sophi-
sticas arte Chimiæ pro veris & naturalibus
gemmis & margaritis. S. Thomas 2.2, q.77.arti.
2. ad primum. Caietan. ibidem, & in summula
verb. Alchimia. S. Antonin. 2. part. tit. I. cap. 17.
§. 4. Syluest. in verb. Alchimia. q. fin. Nauarr. in
Manual. Confess. cap. 23. num. 89. Petrus à Na-
uarra lib. 3. de restitut. cap. 2. num. 65. & seq.
Andr. ab Isernia. Bald. & Aluarot. in cap. i. Que
sint regalia, de vſib. feud. & alij alibi. Ratio eit,
quoniam fraudulenta & iniusta efficitur ven-
ditio, tum quia emēs si sciret, non emeret, cūm
non sit ei æquè commodū aurum sophisticatū
atq; verum, tum quia non habet eosdem effe-
ctus, vt ad confortādum, & imponendum me-
dicinis. Postremò quia per omnia non est tanti
valoris & præstatiæ, sed est defectus in substātia,
& mu-

& mutatio tantum in accidentibus, aut saltem magna permixtio aliorum metallorum: Quæ omnia non solum reddunt emptionem inuoluntariam, sed etiam iniusta & ex parte pretij & valoris. Nemo enim dubitat verū aurum & argentum maioris esse pretij quæ sophisticatum, & aliquam vilem gemmā non æquivalere pretiosæ margaritæ, pro qua ab Alchimista perito sophisticata possit vendi & distrahi. Si autē aurum sophisticatum, aut lapillus beneexpolitus, pro auro sophisticato, aut gemma colorata, ita ut non pro substantia vera, quæ tantū appetet, venderetur scienti ad usum aliquæ, ut ad ornatum & splendorem, non committeretur aliqua iniustitia. Vel ut Bald. in d.c.i.in verb. Item moneta loquitur: Si impeditur tantum pro tanto, & tale pro tali, sine aliqua falsificatione forma aut materiæ non punitur Alchimista:

Octava Conclus. Ars Alchimie est periculosa, & perniciosa, etiam ipsi Chymistæ studio artis, aut eam exercenti respectus bonorum animæ & corporis.

HANC Conclusionem colligo ex DD. qui de hac re scripserunt, & ē latius probō. In primis ex S. literis. Eccle. Altiora te ne quæsieris, *Eccles.* & fortiora te ne scrutat^r fueris, & post pauca. In superuacuis rebus noli scrutari multipliciter, & in pluribus operibus eius non eris curiosus.

Plu-